

کورلکدرکه بوکون (السلام علیکم) کبی مخاطبمیز حقنده سلامت دارینی
تمنی معناسنی متضمن اولان برکله طیبینی جانشین احترام اولانلردن
اسیرکیورزده آکا برانحنای تعبد اقامه سندن صقیلمیورز! نه عجیب
برضلاتندرکه لفظ سلام ایله یا نمزه کیرن برمسلمی - تحقیر اولوندم
ظنیله - بر نظره اشمئزاز ایله قارشیلایورز! آداب اسلامیه اودرجه ده
کرفتار ضربت اولمشدرکه مخاطبمیز کوجنمه سون دبییه سلام اللهی چوق کره
ترك ایدورزده قلبنی بر (بونزور) ویا (بون سوار) ایله تطیب ایتمی
اولی کور یورز! جهالت اوقدر تعمیم ایتمشدرکه سلام ویرن کیمسه یه
قارشیدرد سلام فریضه سنی اجرا، (وعلیکم السلام) دیرک مقابله ایتمیکی بیله
عقلمزه کتیره میورز. بزی بوچیقماز یوللره سوق ایدن شی هپ حسن
اداره دن محروم بر سودای تمدن ایله اختیار ایتدی کمز تقلید بی معنادر.
آ کلایه میورم، بزمقلد اولاجق اولدقدن سوکره جلالت قدرینه
مؤمن و ملحد بتون اقوام جهان شهادت ایدن بر نبی ذیشان نه دن تقلید
ایتیم؟ اورسول مکرمه که کال تواضعندن حقیر و جلیل، طانیسون،
طانیاسون، هر کیمه راست کاسه سلام ویریدی. وامشده بویله امر
ایدردی. زیرا افشای سلام، اسباب الفتک باشلانغجیدر، استعجاب
مودتک مفتاحیدر. زیرا لفظ سلام شعائر اسلامیه دندر. بو لفظ
مبارک یالکنز اهل اسلامه خاص اولان بر تحیه در. بو تحیه مخصوصه
ایله مسلمانلر یکدیگرینی طانیر. برده لفظ سلامک مؤداسی بذاته
بغض و عداوته، فساد ذات البینه مانعدر. زیرا بر انسان سومدیکی،
بوزوشدینی کیمسه نك سعادت مند اولماسنی ایستهمیه جکندن بو دعای
مبارکله مخاطبی ایچون سلامت دارینی جناب قاضی الحاجاتدن طلب
ایدنجه - اگر آغزندن چیقانی قولانغی ایشیدیر مقوله دن ایسه -
ایچنده کی حقد و بغضه بدل محبت طوغار. مسلمان قرداشی ایچین
ایستدیکی سعادت و سلامتدن کنديسی ده درحال حصه مند اولور.

احمد نعيم

الکِبَیَّاتُ

سایمانیه کرسیدسنده

هیچ صقیلماز میسکنز حضرت پیغمبردن،
که اوزاقده کی بر مؤمنی اینجیتسه دیکن،
قلب پاکنده طویارمش اومصیبتدن آجی؟
سزندن البته اولور روح نبی دعوا جی.
ای جماعت، او یانیك! یوقسه، همان کون باته جق.
او یانیك! قورقیورم: لیل ندامت چاته جق.
نه واپورلرله ترنلر سزی بیدار ایتدی؛
نده طویلر بودرین اویقویه برکار ایتدی!
سزی کیم قالدیره جق، صوری می اسرافیلک؟

ایتمک .. مملکتک حالی فنا لاشدی .. کلیك!
کلیك الله ایچون اولسون که زمان بحرانی!
برده نك آرقه سی - مولی بیلیر اما - قانی!
سزکه صوگ لمعه امیدیسکنز اسلامک،
دایانیك غیظنه آرتیق مدنی اقوامک!
شیمدیلک صلحه سبب اردو کزک قوتیدر؛
برده وضعیت ملکیه کزک قیمتیدر.
بوتذبذبله او قوتده فقط صارصیله جق ..
چونکه عصیانلری باصدیرمایه مأمور آنجق!
اردو مادام که افرادینی ملتدن آلیر؛
ملتک کشمکشندن نصل آزاده قالیر؟
اوله در، مملکتک حالی دوزملرسه اگر،
قیشله لر اولره، عسکرده اهالی یه دوزر!
طورماسین سوکره قازان قالدیره طورسون اردو ..
دشمنک صفلری چیکنر بومقدس یوردی!
انیا یوردی بو طوپراق؛ شهیدا برچی بور؛
بریقیق تر به سنک اوستنه مولی تیتیر!
طیشی باشدن باشه برنسل کریمک یادی؛
ایچی بویدن بویه میلیونه شهید اجسادی.
اوله مشبوع شهادت که بو اوکسوز طوپراق؛
فیشقیران اوتلری برصیقسه آدام قان چیه جق!
بویله بریوردی الندن چیقازان نسل سفیل،
یرک اوستنده محقر، یرک آلتنده رذیل!
هم وطن کیتدی، یوقدر سزه برباشقه وطن؛
چونکه میراث یدی سائل قوغولور هر قاییدن!
کوجه یکن قوجه بردولته قورمش بنیاد ..
چرکه حالنده می کورسون سزی قالقوب اجداد؛
«چرکه حالنده» دیدم .. قورقارم اوندن ده تباہ؛
سلطنت دوریله جک اولسه، عیاذا بالله،
اوله ایکنر نچ اوله جق عاقبتک منظره سی،
که تصور بیله وجدانلر ایچون یوز قاره سی!
آزیحق بیلیمک ایچون قدرینی استقلالک،
باقیکنر جهرة مشئومنه اضمحلالک؛
یاریلوب صانکه زمین، اوغرایسویرمش یریر
بیک سفیل اردو که افرادی بوتون عائله لر.
هپسی آج، برپاره لر یوق، قادین ارکک چیلاق؛
سوقاغک اورتیه سی او، قالدیریمک صیرتی یاتاق!
کزییور چیکنه یرک بونلری یوزلرجه کوپک؛
صاتیلق جوهر ناموس آریور: کار ایده جک!
سن ایشک یوقسه نماز قیلیمک ایچون مسجد آرا ..